



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XXXVIII No. 16
Agosto 21, 2007
www.philippinerevolution.org

Editorial

Hingalitan ang kinagamu kag lapnagon nga demoralisasyon sa AFP

Malahalon nga mahingalitan sang rebolusyonaryong kahublagan ang labi nga pagsingki kag nagalapnag nga kinagamu kag demoralisasyon sa sulod sang Armed Forces of the Philippines (AFP) bunga sang sunud-sunod nga mga kahalitan nga naagum sang mga pwersa sini nga binulan.

Sa Basilan kag Sulu, mayor nga mga kapaslawan ang ginbaton sining karon lang sang mga yunit sang AFP sa kamot sang mga pwersa sang Moro Islamic Liberation Front (MILF), Moro National Liberation Front (MNLF) kag pumuluyong Moro. Sa iban pang bahin sang pungsod, malaparan man ang ginatuga nga

kahalitan sang Bag-ong Hangaway sang Banwa (BHB) sa AFP.

Labaw nga ginakaakig sang mga ordinaryong suldado kag mga bataon nga upisyal sang AFP ang paggamit sa ila bilang pangbala sang kanyon kag paon sa pinakamasingki nga todo-gera sang rehimen US-Arroyo. Labi nila nga ginakaakig ang malala nga korapsyon kag pagpagusa sang mga pinuno nga upisyal sang rehimen kag sang AFP sa kahalitan sang pangabuhian sang mga ordinaryong suldado.

Pat-ud nga magabaton sang dalagku nga kapaslawan ang AFP kag labi pa ini nga magalala bangud indi matarung kag pasista ang gera nga ginasulong sang rehimen US-Arroyo batuk sa Bangsamoro kag pumuluyong Pilipino. Ginapakita sang sunud-sunod kag nagapadayon nga mga kadalag-an sang mga pwersang gerilya indi lang ang ila kaayo kag bentaha sa taktika, kundi ang kahustuhan, malapad nga suportang masa kag pagka-makatarung sang ila mga gera para sa pagdesisyon-sa-kaugalingon kag kahil-



Mga tampok sa isyu nga ini...

Berdugo nga yunit sg militar, ginsilutan
PAHINA 5

Medikal nga turismo
PAHINA 8

Welga sa Chiyoda, madinalag-on
PAHINA 10

wayan sosyal.

Ang matuod nga target sang todo nga opensiba sa Basilan kag Sulu amo ang MILF kag MNLF, kag indi ang gagmay nga bandidong Abu Sayyaf, pareho sa ginapagguwa sang rehimen kag sang AFP. Sa pihak sang nagaluntad nga mga proseso pangkalinungan sa tunga sang reaksyunaryong gubyrno kag sang MILF kag MNLF, naglunsar sang mga pag-atake ang rehimen US-Arroyo sa pumuluyong Moro agud paluyahon ang ila determinasyon nga maghimakas para sa pagdesisyon-sa-kaugalingon kag duta sang ila katigulangan, isabotahe ang mga negosasyon kag kasugtanan pangkalinungan, kag pasurenderon ang mga rebolusyonaryo nga pwersang Moro. Gusto bawion sang rehimen ang mga kadalag-an nga naangkon sang pumuluyong Moro sa pila ka dekada nga rebolusyonaryo nga armadong paghimakas.

Ginalapakan sang mga operasyon sang AFP sa Basilan kag Sulu ang mga nagaluntad nga kasugtanan pangkalinungan sa MNLF kag MILF kag nagakadto ini sa isa ka todo larga nga gera batuk sa Bangsamoro. Nagahiliusa ang nagadamu

nga suldado kag ila mga kapamilya sa pumuluyong Moro, mga progresibo kag demokratikong pwersa, mga tagasakdag sang tawhanong-kinamatarung, mga aktibista pangkalinungan, simbahan kag iban pang sektor sang pumuluyo sa pagpanawagan nga bawion ni Arroyo ang iya mandu nga todo-opensiba batuk sa MILF kag MNLF.

Nagapakatig-a ang rehimen US-Arroyo nga ilunsar ang todo nga opensiba batuk sa pumuluyong Moro sa pihak sang dalagku nga kahalitan nga naagum sang AFP kag malaparan nga dislokasyon kag kabudlayan nga tuga sini sa pila ka pulo ka libo nga pamilya sa Basilan kag Sulu. Nagpakuno-kuno nga interesado pa ini sa sugilanon, pero nagabalibad ini nga untaton ang todo-opensiba kag ginahimo na gani ang pagdeploy sang masobra 5,000 nga tropa sini sa Basilan kag Sulu.

Bangud sa pagkatuso sang rehimen US-Arroyo kag pagpakatig-a sini nga makiggera, wala sang iban nga himuon ang mga rebolusyonaryo nga pwersang Moro kundi paligunon ang ila determinasyon kag pasingkion ang rebolusyoanryo nga armadong pagbato sa rehimen US-

Arroyo. Samtang ginatinguha nila nga salbaron ang ginalapakan nga sugilanon pangkalinungan kag mga kadalag-an nga naangkon paagi sini, dapat hugton nila ang pagkapot sang armas agud epektibo nga lunsay malunsar ang mga tikang nga dependsiba kag opensiba kag paslawon ang pasistang pagpangatake sang teroristang rehimen.

Ang Partido Komunista sang Pilipinas (PKP) kag ginapamunuan sini nga mga rebolusyonaryong pwersa nagapahayag sang lubos nga pagsuporta sa armado nga pagpakig-away sang mga rebolusyonaryong pwersa sang MILF kag MNLF.

Ginamanduan sang PKP ang tanan nga yunit sang BHB sa Mindanao kag bilog nga pungsod nga maglunsar sang mga taktikal nga opensiba agud hingalitan ang subong nga kinagamu sa sulod sang AFP kag magbuligay kag maghatag sang suporta sa armadong nga pag-away sang Bangsamoro.

Ang deployment sang linibu-libo nga tropa halin sa iban nga rehiyon padulong sa Basilan kag Sulu nagresulta sa pagnipis sang iban pang yunit sang AFP sa mga lugar sang operasyon sang BHB. Mahimo ini nga hingalitan sang BHB paagi sa paglunsar sang mga taktikal nga opensiba batuk sa nagaluya kag nahamulag nga mga yunit sang kaway.

Dapat lubos nga ilunsar ang mga taktikal nga opensiba sa nagkalain-lain nga bahin sang pungsod agud labi nga magkinagamu sa sulod sang AFP, labi nga magluya kag mahamulag ang garuk kag brutal nga rehimen, magabas-kog ang hangaway sang banwa kag mga rebolusyonaryong pwersa kag umabante ang inaway banwa sa bag-o kag mas mataas nga halintang.

Sa mga lugar kon sa diin nagahulag lunsay ang BHB, MNLF ukon MILF, mahimo nga maglunsar sang



Tuig XXXVIII No. 16 Agosto 21, 2007

Ang *Ang Bayan* ginabantala sa lengwahe nga Pilipino, Bisaya, Iloko, Hiligaynon, Waray kag Ingles.

Mahimo ini i-download halin sa *Philippine Revolution Web Central* nga makit-an sa:

www.philippinerevolution.org

Nagabaton ang *Ang Bayan* sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan.

Malab-ot kami paagi sa e-mail sa: angbayan@yahoo.com

Kaundan

Editorial	1
23,000 sibilyan nga biktima	3
Sunud-sunod nga kalutusan sg AFP	3
Presensya sg US sa Sulu, ginkastigo	4
Madinalag-on nga opensiba	
Berdugo nga yunit, ginsilutan	5
Pagpaslaw sa OBL2 sa Bicol	5
Misencounter ng AFP sa Masbate	6
Pasista nga pagpanghalit sg estado	
3 lider-kababaihan, gin-ipit	6
NDFP, nagpasaka sg kaso sa UN	7
Report kay Jonas, di gintugtan	8
Medikal nga turismo	8
Welga sa Chiyoda	10
Balita	11

Ang *Ang Bayan* ginabantala duha ka beses kada bulan sang Komite Sentral sang Partido Komunista sang Pilipinas

magkatuwang ukon gintingub nga mga opensiba nga operasyon batuk sa AFP. Malahalon nga maghiliusa, magsuportahanay kag magbuligay ang nagkalain-lain nga mga rebolusyonaryong pwersa sa lubos nga pagbato kag pagpaslaw sa todo opensiba sang terorista nga rehimeng US-Arroyo.

Kadungan sini, ginamanduan sang PKP ang BHB kag tanan nga rebolusyonaryong pwersa nga ginapamunuan sini nga hingalitan ang nagalala kag malaparan nga kinagamu kag demoralisasyon sa kubay sang AFP paagi sang pagpasanyog sang pagorganisa sa kubay sang mga ordinaryong tinawo kag bataon nga upisyal sang AFP.

Ginakaakig nila ang labaw nga kagarukan, korapsyon, brutalidad kag pagkatuta sang pamunuan sang AFP kag rehimeng US-Arroyo. Labi nga naakig ang mga ordinaryong suldado kag bataon nga upisyal sang AFP sa rehimeng US-Arroyo kag mga heneral sini bangud sa wala konsiderasyon nga operasyon sa Basilan kag Sulu, kag sa mga pagpatay, pagkuot, pagtortur, pwersahan nga pagpabakwet, pagblokeyo sang pagkaon, kag iban pang nga indi makatawo kag kriminal nga buhat sang AFP. Ang tanan nga ini ginahimo sandig sa Oplan Bantay Laya 2 sang rehimeng US-Arroyo.

Sa direkta kag indirekta nga paagi, dapat lab-uton sang mga rebolusyonaryong pwersa ang mga ordinaryong suldado kag bataon nga upisyal sang AFP agud pukawon sila sa mga basehan nga problema sang pumuluyong Pilipino, buyukon sila nga magtindog batuk sa rehimeng US-Arroyo, magdampig sa pagbato sang pumuluyo kag magbulig sa rebolusyon. **AB**

23,000 sibilyan, biktima sang opensiba militar sa Mindanao



Nagalab-ot na sa 23,000 katawo ang napilitan nga magbakwit na nakalain-lain nga banwa sang Basilan kag Sulu bangud sa wala untat nga mga operasyon sang AFP batuk sa mga armado nga pwersang Moro.

Sa Sulu, masobra 2,700 na ang nagbakwet sa mga banwa sang Parang, Maimbung kag Indanan. Sa Basilan, napilitan nga magbakwet ang nagalab-ot sa 1,800 pamilya halin sa mga banwa sang Al Barka. Sumisip kag Ungkaya Pukan. Kadam-an sa mga biktima mga bata kag tigulang. Kulang sila sa pagkaon kag madamu sa ila ang nagabalatian.

Ang madamuan nga pagbakwet sang pumuluyo sa Basilan kag Sulu amo ang resulta malaparan nga opensiba nga ginalunsar sang AFP. Sining tunga-tunga sang Agosto, may 5,000 suldado na ang gindeploy sa Sulu kag 4,000 tropa sa Basilan. Ginatantya nga malab-ot sa P1 bilyon ang pagagastuhon sang gubyrno kada bulan sa gera sa Mindanao.

Mabaskog nga ginkundenar sang pumuluyong Moro labi na sang mga biktima sang wala hawid nga gera sa Mindanao ang pagpadala sang rehimeng Arroyo sang dugang nga mga tropa sa Sulu kag Basilan. Suno kay Hatimil Hasan, *interim vice chairman* sang MNLF, bulig pangabuhian ang kinahanglan sang Sulu, indi mga bala, bomba kag mga tropa. Nagakabalaka man ang mga grupo nga gusto magpadala sang bulig sa apektadong mga lugar pareho sang Red Cross nga madalahig ang madamu nga sibilyan sa inaway. Pareho sa natabo sadtong Agosto 9. Kinundenar man sang pumuluyong Moro kag sang Bangsamoro Development Agency ang mandu sang Task Force Thunder sa idalum ni Brig. Gen. Juancho Sabban nga maglunsar sang *food blockade* sa Basilan. **AB**

Sunud-sunod ang pagkalutos sang AFP

Nag-angkon na naman sang mabaskog nga bunal ang Armed Forces of the Philippines (AFP) halin sa mga pwersa sang Moro Islamic Liberation Front, Moro National Liberation Front kag iban pa nga armadong Moro.

Sa pinakaulihi nga engkwentro, 16 ang namatay, lakip ang lima nga tinyente sang Philippine Marines kag isa ka tinyente sang Philippine Air Force sang mag-igrab ang inaway sa Ungkaya Pukan, Basilan sining Agosto 18. Bandang alas-6:30 sang aga, ginsalakay sang mga pwersa sang 64th Force Reconnaissance Company kag 31st Company sang Philippine Marines ang kampo sang siling nila "mga elemento sang Abu Sayyaf" sa Sityo Kurellem, Barangay Silangkum sang nasambit nga banwa.

Napulo'g tatlo nga elemento sang Marines ang gilayon nga nataba sa lugar sang inaway kag ang duha nga iban pa sa ospital namatay. May dugang pa nga 17 pilason sa bahin sang militar. Nagpadayon ang inaway tubtub hapon kag isa sa duha nga MG-520 *helicopter gunship* nga nagahatag sang "aerial support" sa mga tropa ang nataktak. Namatay sa pagkahulog sang helikopter ang piloto kag napilasan ang duha niya nga tinawo.

Sa pihak sang nagaluntad nga "news blackout" halin sang naagum

sang dalagku nga kalutusan ang AFP sa Basilan, naglapos gihapon ang mga report nga nagtabang kuno sa inaway nga ini ang masosbra 100 hangaway sang MILF halin sa katambi nga baryo sang Bagindan. Suno sa militar, malubha nga napilasan kag namatay sa inaway nga ini si Nuridim Mudalam alyas Kumander Nur sang MILF.

Madumduman nga sadtong Hulyo 10, ginlambatan sang mga pwersa sang MILF ang mga tropa sang Philippine Marines sa banwa sang Al Barka (Tipo-tipo sadto). Namatyan diri ang AFP sang 14 suldado kag nag-agum sang madamu nga pilason. Halos isa ka bulan pagkatapos sini, 27 ang namatay kag siyam ang napilasan nga suldado sang Philippine Army sa pagpakig-engkwentro sa mga pwersa sang MNLF sa Sulu halin Agosto 2 tuhtub 9.

Muklat sa nagalala nga demoralisasyon sa kubay sang mga suldado, ginapaimbestigahan ni Sen. Antonio Trillanes IV sa Senate Commit-

te on National Defense and Security ang sunud-sunod nga kalutusan sang AFP sa Basilan kag Sulu. Sa ginpasaka niya nga Senate Resolution No. 72 sadtong Agosto 14, ginsiling ni Trillanes nga nakabaton siya sang *insider information* nga hungod "ginpakaon sa kaaway" sang pila ka matag-as nga upisyal sang Malacanang ang mga Marines sa Basilan agud magamit nga bangdanan sa paglunsar sang todo-gera batuk sa MILF.

Gintumod sang anay upisyal sang Philippine Navy kag tagapamaba sang grupong Magdalo nga indi magnubo sa lima ka matag-as nga upisyal ang may ihibalo sa natabo. Siling niya, ginahampangan lamang sang rehimenng Arroyo ang kabuhi sang mga suldado kag inosenteng pumuluyo. Ginsuportahan naman ini sang nakahunong nga anay komandant sang Philippine Marines nga si Maj. Gen. Renato Miranda.

Ginsaysay niya sa midya nga nahibal-an niya kag sang iban pang

upisyal kon sanday sin-o ang imbolbado sa natabo nga masaker sa Basilan. Bangud diri, nagpanugyan sanday Trillanes kag Rodolfo Biazon, pinuno sang Senate Committee on National Defense and Security, nga maghimo sang imbestigasyon sa insidente. Gilayon ini nga ginbalabagan sang rehimen kag ginsiling man indi sini pagtugutan ang sin-o man nga upisyal sang AFP nga magtambong sa imbestigasyon. Inakusahan pa sang rehimen sanday Trillanes kag Biazon nga nagadestabilisa sa gubyrno.

Sa tuyo nga palugdangon ang demoralisasyon kag malikawan ang mabaskog nga pagpakamalaut, napilitan nga akuon ni Gen. Hermogenes Esperon ang iya responsibilidad bilang hepe sang AFP. Pero, ginbasol niya ang mga bataon nga kumander kag mga tinawo nila bangud sila kuno ang may sayup sa pagkalutos. Labi lamang nga ginagatungan sini ang nagalapad nga demoralisasyon sa kubay sang mga kasuldaduhan. **AB**

Presensya sang tropa nga Amerikano sa *combat zone*, ginpakamalaut

Mabaskog nga ginpakamalaut sang Partido Komunista sang Pilipinas ang hayag nga pagpasilabot sang mga tropang Amerikano sa nagakatabo nga mga operasyon militar sa Sulu sining bulan.

Suno sa mga report, indi lang simple nga nagapartisi-par ang mga day-o nga mga tropa sa pagpatrulya kag mga operasyong kombatan. Ang mga ini ang aktwal nga nagadiriher kag nagapadalagan sa mga opensiba militar. Sa kamatuoran, nakuhan pa sang bidyo sang isa ka myembro sang midya ang mga pwersa sang US Special Forces nga nakasakay sa isa ka *Humvee vehicle* kag nagapanguna sa isa ka kom-

boy sang mga suldado nga Pilipino sa Indanan, Sulu samtang ang mga ini nagahimo sang operasyon batuk sa Moro National Liberation Front.



Ginpakamalaut man sang mga oposisyunista nga senador kag sang malapad nga kubay sang anti-imperyalistang mga pwersa ang maathag nga paglabag sang mga tropang Amerikano sa kahilwayan sang pungsod. Nahibal-an sang tanan nga ginhimo lamang sang rehimenng Arroyo ang gera sa Sulu kag Basilan, sa kahalitan sang pumuluyong Moro, agud hatagan rason ang pagpadayon sang presensya, pagpamuno kag direkta nga

pagpasilabot sang mga tropang Amerikano sa mga lokal nga operasyong militar.

Madugay na nga nakalatag ang mga tropang Amerikano sa Mindanao. Madugay nga nahayag ang ila pagpasilabot kag pagpamuno sa dalagkuan nga operasyong militar sa mga lugar sang pumuluyong Moro.

Sining bulan man, napilitan ang mga upisyal sang rehimen nga akuon ang presensya kag ang paghimo sang mga operasyon sang mga ahente sang Central Intelligence Agency sang US kag iban pa nga dumuluong nga ahente sa nagkalain-lain nga bahin sang pungsod. Ang likum kag mahigko nga operasyon sang mga ini direkta nga nakaangot sa mga operasyong kombatan nga ginatigayon sang mga tropang Amerikano sa pungsod. **AB**



Berdugong yunit militar, ginsilutan sang BHB

Gin-ambus sang isa ka yunit sang Alejandro Lanaja Command (Operations Command sang Front 3 sang Bag-ong Hangaway sang Banwa [BHB] sa Southern Mindanao) ang isa ka yunit sang 72nd IB sa Sityo Kidapang, Barangay San Isidro, Monkayo, Compostela Valley sadtong Agosto 10 sang aga. Ang ginhimo nga ambus isa ka aksyong pagsilut sa 72nd IB bangud sa paghatag-proteksyon sini sa plantasyon sang *palm* ni Mayor Manuel Brillantes sang Monkayo. Ang alkalde isa ka despotiko nga lokal nga burukrata, suno kay Ka Aris Francisco, tagapamaba sang Alejandro Lanaja Command. Paagi sang iya *death squad* kag militar, ginaharas kag ginpamatay ang mga mangunguma nga nagapamatuk sa pagpalapad sang iya plantayon.

Suno kay Ka Aris, tatlo ka elemento nga paramilitar ang namatay kag isa ka regular nga suldado ang napilasan sa pagpanglambat. Nakakumpiska ang BHB sang isa ka ripleng M16. Wala sang kaswalti sa

bahin sang mga Pulang hangaway.

Nabihag man sa nasambit nga ambus si Pfc. Marjun Gatela, pero ginbuhian siya sadtong Agosto 18 sa Purok 9, Barangay Casoon, Monkayo matapos mapamatud-an sang

hukmanan sang demokratikong gubyerno sang banwa nga wala sang nahimo nga seryosong krimen ang nabihag nga suldado.

Samtang, naagaw sang mga Pulang hangaway ang apat nga armas nga nagkalain-lain nga kalibre sa Philco Mining Company sa Barangay Camanlangan, New Bataan, Compostela Valley sadtong Agosto 14. Nakumpiska ang isa ka UZI *sub-machine gun*, isa ka *shotgun* kag duha .57 rebolber. Ang taktikal nga opensiba nga ini pagsilot sa nasambit nga kumpanya bangud sa kahalitan nga ginatuga sang operasyong pagmina sini. **AB**

Nagpadayon nga pagpaslaw sa Oplan Bantay Laya 2 sa Bicol

Padayon nga ginapaslaw sang Bag-ong Hangaway sang Banwa (BHB) sang Kabikulan ang Oplan Bantay Laya 2. Suno sa Romulo Jallores Command (RJC-BHB), lima ang natumba sa kubay sang mga berdugong AFP kag PNP samtang pito nga iban pa ang napilasan sa tatlo ka separado nga opensiba nga ginlunsar halin Hulyo 23 tutub Agosto 5.

Sa Masbate. Ginsilutan sining Agosto 5 sang isa ka tim sa idalum sang Jose Rapsing Command sang BHB-Masbate ang masupog nga si P03 Joel Eser sang PNP sang Pio V. Corpuz.

Si Eser aktibo nga nagasuporta sa kontra-rebolusyonaryong gera sang AFP. Luwas sa pagserbi nga giya sa mga operasyon batuk sa BHB, aktibo siya nga nagalatag sang mga

kontra-rebolusyonaryong lambat paniktik sa mga baryo nga sakup sang banwa sang Pio V. Corpuz. Ginakilkilan niya ang magagmay nga mangingisda. Madamu siya nga kaso sang pagpanakit sa masa. Protektor man siya sang mga iligal nga aktibidad sang mga sindikato sa nasambit nga banwa.

Naagaw halin sa iya ang duha ka magasin sang kalibre .45


pistola nga p u n o s a n g mga ba-la.

Sa Sorsogon. Duha ka sul-

dado ang namatay kag pito ang napilasan sa ginhimo nga ambus sang mga Pulang gerilya sang Celso Minquez Command sang BHB-Sorsogon bandang alas-8:00 sang gab-i sa Barangay Agosara, Juban sadtong Hulyo 3). Lakip sa mga napilasan amo ang upisyal sang 2nd IB nga si 2Lt. Jay Dumaog.

Suno mismo sa hepe sang 901st Bde nga si Col. Mahumad Nur Askalani, sakay sang pribadong dyip ang tropa halin sa isa ka operasyon militar sa banwa sang Magallanes kag pabalik sa ila kampo sa Barangay Aniog, Juban, Sorsogon, sang lambatan sang mga Pulang hangaway.

Sa Camarines Sur. Hulyo 23, bandang alas-4 sang hapon, naka-engkwentro sang isa ka iskwad sang BHB sang 31st IB sa Barangay Alanao, Lupi. Duha ka suldado sang berdugo nga tropa ang namatay pagkatapos sang duha ka minuto nga lukpanay. Wala sang kaswalti sa bahin sang BHB.





Misencounter sang mga sulda- do sa Masbate

Tatlo nga elemento sang AFP ang napatay, apat nga elemento sang CAFGU ang napilas-an kag isa pa ang nadula matapos ang isa ka *misencounter* sa tunga sang mga tropa sang Scout Rangers kag tingub nga pwersa sang 22nd IB kag CAFGU.


Kinumpirma sang Jose Rapsing Command sang BHB ang natabo nga *misencounter* sa Barangay Balete, Aroroy, Masbate sadtong Hulyo 31. Nasal-an sang mga tropa sang Scout Rangers nga mga Pulang hangaway ang naga-operasyon man nga tropa sang 22nd IB kag CAFGU gani gilayon nga ginasalakay kag ginluthang ang mga ini. Siling sang JRC, ang *misencounter* amo ang bunga sang sobra nga demoralisasyon kag pagkahadlok sang mga pasistang tropa. Bunga sini, siling nila, sang sunud-sunod nga bunal sa ila sang BHB.

Pareho sang una gintinguhan nga taguon ini sang pamunuan sang 901st Brigade kag 9th Division agud indi mahuy-an. Pero nakalab-ot sa isa ka istasyon sang radyo ang balita paagi sa mga nakasaksi nga residente. Nagbalibad nga maghatag sang pahayag sa midya nahanungod

sa *misencounter* ang pamunuan sang AFP kag PNP sa rehiyon, amo man ang mga tagapamaba sang PNP kag AFP Civil Relations Service (CRS). 



3 lider-kababaihan, gin-ipit



Padayon ang pagpang-ipit kag pagpamigos sang pasista nga rehimeng Arroyo sa pumuluyong Pilipino. Tampok sining Agosto ang pagpanilag kag harasment sa tatlo nga upisyal sang Gabriela Network USA. Tatlo nga myembro man sang Anakpawis ang ginkuot sa Zamboanga del Sur samtang ginapasyang ang pagpamigos sa pumuluyong Moro.

Agosto 14. Indi magnubo sa 100 mga minoryang Agta kag 20 pamilyang settler halin sa Dingalan, Aurora ang kulang na gid sa pagkaon kag bulong bangud sa *food blockade* ukon indi pagtugot nga magpasulod sang pagkaon. Ginadumilian man sang militar ang pagpasulod sang bulong bisan pa nagalapnag ang balatian nga malarya sa mga residente sang Sityo Pina-maypayan kag Sityo Malakawayan, Barangay Umiray, Dingalan. Binuang nga ginarason sang militar nga ang pagkaon kag bulong basi kuno makadto sa Bag-ong Hangaway sang Banwa. Ginakabalak-an nga madamu ang mapatay kon padayon nga pungan sang militar ang pagpasulod sang kinahanglanon nga mga sulay.

Agosto 5-16. Tatlo nga pinuno sang Gabriela Network USA (GABNet) ang ginlakip sang rehimeng Arroyo sa *watchlist* ukon listahan sang

mga ginapanilagan bangud kuno sa angot nila sa mga "teroristang grupo."

Sanday Annalisa Enrile, pungsodnon nga tagapangulo sang Gabriela Network USA, ang bantog nga manunulat nga si Ninotchka Rosca, kag si Judith Mirkinson, International Relations Officer sang GABNET lunsay nga nagtambong sa Women's International Solidarity Affair in the Philippines (WISAP) nga ginlunsar sang grupo nga GABRIELA. Nahibal-an nga ang tatlo nga lider sang sang GABNet nalakip sa *watchlist* nga ginpagguwa sang Department of Justice.

Ginpungan nga makahalin sang pungsod sadtong Agosto 5 si Enrile. Sang usisaon niya ang kabangdanan sang pagpungong sa iya, ginpasapasa siya sa nagkalain-lain nga ahensya sang guberno. Liwat sila nga gin-abangan sadtong Agosto 16, upod sanday Rosca kag Mirkinson, kag ginsiling nga ginausisa ang ila angot sa Al Qaeda. Tunga sa oras sila nga ginhunong sa hulugpaan antes gintugutan nga makasakay sa eroplano.

Ginkundenar sang GABRIELA ang ginasiling nga "watchlist" sang DOJ nga ginagamit nga pamahug sa mga dumuluong nga gusto magsupporta sa paghimakas sang pumuluyong Pilipino batuk sa pagpamigos



sang rehimeng Arroyo.

Agosto 3. Gin-aresto sang mga pulis ang mamumugon nga si Karahudin Usman Talib sa isa ka *shopping mall* sa Taguig City kag ginpagguwa nga siya "terorista" kag kabahin kuno sang Jemaa Islamiya. Ginpaatubang pa sang pulis si Talib sa midya kon sa diin "gin-ako" niya nga siya imbolbado sa plano nga pagpangbomba sa mga istasyon sang *bus* kag *shopping mall* sa Maynila kag Taguig.

Ginhimutig ni Zaidunin Malang, abugado ni Talib ang akusasyon sang pulis. Suno kay Malang, si Talib isa ka day-o halin sa Libutan, Maguindanao nga nagatrabaho bilang *tricycle driver* sa Maharlika Village samtang nagahulat nga maproseso ang mga dokumento para makakadto siya sa luwas sang pungsod.

Gin-aresto si Talib, upod ang isa pa nga Moro, si Juenail Abdul, bisan wala sang mandamyento de aresto, sandig sa mga probisyon

sang Human Security Act. Si Abdul wala pa makit-an tubtub subong.

Sa adlaw man nga ini gin-aresto sang pulisya sanday Emran Gumanod, Mohammad Cosain kag Nashrudin Cambang, lunsay taga-Maguindanao kag lima nga iban pa, lakip ang pila ka menor de edad. Ang mga pag-aresto gintigayon sa Cotabato City kag Davao City. Ginaakusahan ang nasambit nga mga biktima sang pagpamomba sa terminal sang *bus* sang YBL sa Koronadal City sadtong Agosto 3 kon sa diin namatay ang isa ka pastor kag napilasan ang 10 pa nga iban. Isa pa nga bomba ang naglupok sa isa ka YBL aircon bus samtang nagapagguwa ini. Mabasog nga ginkundenar sang mga grupon Moro nga nagatib-ong sa tawhanong-kinamatarung ang mga arbitraryo nga pagpang-aresto.

Samtang, ginkuot man sining Agosto 3 sang mga berdugo sang rehimeng Arroyo ang tatlo ka myembro sang Anakpawis sa banwa sang

Guipos, Zamboanga del Sur. Masobra duha ka simana na nga nadula ang mga biktima nga sanday Antonio Roda, 39; Eric Buhain, 23; kag Julius Sango, 21.

Sakay ang mga biktima sang isa ka pangpasaherong *van* pakadto sa banwa sang Dingas sang sila kuoton. Samtang ang ila salakyan nagalapit na sa Barangay Balongating, Guipos bandang 2:45 sang hapon, gin-abangan sila sang apat nga armadong lalaki nga nakamotorsiklo.

Pwersahan nga ginsaylo ang tatlo kag duha pa nga babaye nga pasahero sa isa ka puti nga *van* nga may sakay nga lima nga lalaki. Dumeretso sa banwa sang Dumalinao ang salakyan kag pag-abot didto ginbuhian ang duha ka babaye.

Nahibal-an nga pakadto sa Pagadian City ang *van*. Nahibal-an lamang ang nasambit nga pagkuot sang magreport sa pulisya ang duha ka babaye nga ginbuhian. **AB**

Dugang nga kaso batuk sa rehimeng Arroyo, ginpasaka sang NDFP sa UN

Isa pa nga kaso ang ginpasaka sang National Democratic Front of the Philippines (NDFP) batuk sa gubyernong Arroyo sining Agosto 10 sa Geneva, Switzerland. Ginapanabat ang mga upisyal ni Arroyo sa pagkuot sa duha ka konsultant kag isa ka istap sang NDFP kag iya tiayon. Ang mga konsultant amo sanday Leo Velasco, nga ginkuot sa Cagayan de Oro City sadtong Pebrero 19, 2007; kag Cesar Batralo, nga ginkuot sa San Mateo, Rizal sadtong Disyembre 21, 2006. Ang istap sang NDFP amo si Federico Intise, nga ginapatihan ginkuot upod ang iya tiayon nga si Nelly sa Gen. Santos City sadtong Oktubre 26, 2006.

Sa reklamo nga ginpasaka sa United Nations Working Group on Enforced Disappearances, ginapasabat sang NDFP sanday Gloria Arroyo, AFP Chief of Staff Gen. Hermogenes Esperon, PNP Chief Oscar Calderon, Executive Secretary Eduardo Ermita kag National Security Adviser Norberto Gonzales.

Nagalaum ang anak ni Velasco

nga si Lorena Santos nga buhi pa ang iya amay kag ginatago ini sang militar. Sa bulig sang Karapatan, ginpangita ni Santos ang nadula niya nga amay sa mga kampo sang militar sadtong Agosto 8. Gin-updan siya nanday Fr. Dionito



Cabillas sang Karapatan, Linda Cadapan kag Lolita Robinos, nga nagapangita man sa nadula nila nga mga anak. Gin-atubang si Santos ni Lt. Col. Jack Baltazar sang Intelligence Service of the Armed Forces of the Philippines (ISAFP). Ginpangin-wala ni Baltazar nga sa kamot nila si Velasco bisan nga ginako niya nga lakip siya sa may order nga dakpon.

Ang una nga kaso nga ginpasaka sang NDFP sa UN amo ang bahin sa pagkadula sang mga konsultant kag istap sang NDFP nga sanday

Rogelio Calubad kag anak sini nga si Gabriel, Prudencio Calubid kag iya asawa nga si Celina Palma, Leopoldo Ancheta kag isa pa nga sibilyan nga si Gloria Soco. Suno kay Luis Jalandoni, tagapangulo sang NDFP Negotiating Peace Panel, makahuluya ang padayon nga pagpungko sa United Nations Human Rights Council sang mga tiglawas sang gubyernong Arroyo sa pihak sang mga pagpakamalaut ni UN Special Rapporteur Philip Alston, Amnesty International kag iban pang nga mga organisasyon kag institusyon nga nagakabalaka na sa malala nga rekord sini sa paglapas sa tawha-nong-kinamatarung. AB

Report sa pagkuot kay Jonas Burgos, indi ipagguwa

Padayon nga nagabalibad ang militar nga ipubliko ang resuslta sang imbestigasyon sang AFP bahin sa pagkadalahig sang mga suldado sa pagkuot kay Jonas Burgos sadtong Abril 28. Ginkaakig sang huwes ang indi pagpakita sang *provost marshall* (pinuno sang *military police*) nga si Col. Arthur Abadilla sa pagbista sang kaso sadtong Agosto 13.

Madumduman nga si Burgos ginakuot sang mga ginadudahan mga tinawo sang AFP nga naggamit sang salakyan nga Toyota Revo nga may plaka nga TAB 194. Ang plaka nga ini ang nahibal-an nga nakarehistro sa isa ka *jeep* nga kinumpiska sang militar kag nakaparada sa kampo sang 56th IB sa Bulacan.

Ginamanduan si Abadilla sang 8th Division sang Court of Appeals nga mangayo sang permiso kay AFP Chief of Staff Gemn. Hermogenes Esperon, Jr. para ibuyagyag ang kaundan sang report. Sa pilit nga pagtago sang report, labi lamang nga nagakahayag kag nangin maathag sa tanan nga ang AFP ang may kahimuan sa pagkuot kay Jonas. AB

Ang programa sa ikaayong lawas ni Arroyo

Medikal nga turismo para makabayad sa dumuluong

Sa baylo nga sabton ang madugay na nga problema sang kawad-on sang epektibo kag nagakaigo nga serbisyo medikal para sa imol nga pumuluyo, ang paghatag-serbisyo sa manggaranon nga dumuluong nga pasyente ang ginaasikaso sang gubyerno ni Gloria Arroyo. Kaangot sini, nakasentro ang programa sang sektor sa ikaayong lawas sang rehimen sa ginatawag nga "medikal nga turismo."

Sa "medikal nga turismo," ginabuyok ang pagpunta sa pungsod sang mga dumuluong nga pasyente agud makapadipulos sa kuno de-kalidad kag masaranggan nga serbisyo medikal kag pag-aamlig sa ikaayong lawas. Ginalawayan ni Arroyo ang ginatantya nga \$188 bilyon nga pondo nga igahinguyang tubtub 2013 para sa industriya sang "medikal nga turismo" sa bilog nga kalibutan.

Gusto ibaligya ni Arroyo ang Pilipinas bilang pungsod kon sa diin mas barato nga makapabulong ang mga dumuluong. Gusto ni Arroyo nga makigkumpetinsya sa "medikal nga turismo" sang India, Thailand kag Singapore paagi sang pagtanyag sang serbisyo medikal sa mas barato nga bili.

Daku nga ironiya ang "medikal nga turismo" sa atubang sang kriminal nga pagpabaya sang rehimen ng Arroyo sa serbi-

syo medikal sa pumuluyong Pilipino. Sa idalum sang rehimen ng Arroyo, palala nga palala ang pangpubliko nga serbisyo sa ikaayong lawas. Ginsara ang mga ospital sa nagkalain-lain nga prubinsya, syudad kag banwa sa bilog nga kapuluan. Wala sang kongkreto nga tikang agud pungan ang pagkaubos sang mga nars kag doktor sa pungsod. Wala sang plano nga tukuron ang malahalon nga industriya sang bulong ukon mapagros nga proyekto man lang agud mapanubo ang presyo sang bulong.

Sa baylo nga atubangon ang mga halambalanon nga ini, nagakadasma subong ang rehimen agud ihanda ang nabilin pa nga mga pangunahon nga ospital sa

pungsod para mag-serbisyo sa mga dumuluong. Todo-kayod na subong ang Department of Health



kag Department of Tourism sa mandu ni Arroyo nga ihanda ang mga pribado kag pangpubliko nga ospital para sa "medikal nga turismo." Siyam sa 20 ospital nga target nga igalakip sang rehimen sa una nga bahin sang "medikal nga turismo" amo mga pangpubliko nga ospital.

Madugay na nga gindisenyo sang rehimen ang pagtukod sang Philippine Centers for Specialized Healthcare (PCSH) kon sa diin pagatingbon ang resorsa kag serbisyo sang anum nga pangpubliko nga ospital. Lakip diri ang Philippine Heart Center (PHC), Lung Center of the Philippines (LCP), National Kidney and Transplant Institute (NKTi), Philippine Children's Medical Center (PCMC) kag East Avenue Medical Center (EAMC).

Lakip man sa plano ang pagtukod sang Women's Medical Center nga may 1,000 kama kag pagsara sa pangpubliko nga Fabella Hospital. Pagatukuron ini sa lote nga katambi sang NKTi.

Plano man nga tukuron ang ginasingling nga pungsodnon nga Reference Laboratory for Degenerative Diseases; mga sentro para sa mga balatian sa dugo, sa utok, kanser, kag para sa *physical therapy* kag rehabilitasyon; kag isa ka bilding para sa klinika sang 1,280 doktor. Plano nga matapos ang pagtukod sang PCSH sa 2010. Ang pagsimpon sa mga nasambit nga pangpubliko nga ospital kag pagtukod sang PCSH nakasentro indi sa pagserbi sang libre sa mga may balatian nga imol nga Pilipino kundi para sa makabayad nga mga pasyente nga dumuluong.

Binutig nga pag-uswag. Kabutigan ang ginasingling ni Arroyo nga patahumon sang "medikal nga turismo" ang ekonomya sang pungsod kag mabuhinan sini ang kaimulon sang pumuluyo.

Ginasiling ni Arroyo nga magahatag ini sang mas madamu nga trabaho. Sa integrasyon sang anum

nga nasambit nga ospital, patud nga magaresulta ini sa malaparan nga pagpahalin sa trabaho kag padayon nga pamahug sa seguridad sa trabaho sang mga ordinaryong mamumugon sa ikaayong lawas.

Pat-ud nga magahugakum lamang sang kita amo ang mga may tag-iya sang dalagku nga korporasyon nga ospital. Magahabok man ang bulsa sang matag-as nga upisyal sang gubyrerno nga magadumala sa transpormasyon sang mga pangunahon nga pangpubliko nga ospital. Kon may pagakitaon man sang daku sa medikal nga turismo sa bahin sang mga medikal nga propesyunal, ini yadtong mga espesyalistang doktor sa patag sang *cosmetic surgery* (operasyon para sa pagpatahum) kag *high-end serious medical cases* (malahaloon kag kumplikado nga kaso medikal, pareho sang *organ transplants* ukon pagilis sang mga internal nga bahin sang lawas).

Mas malala pa, pagaenganyuhon sang "medikal nga turismo" ang pagbwelo sang iligal nga pagbaligya sang mga *body organ* ukon bahin sang lawas pareho sang bato, atay, tagipusuon, бага, mata kag iban pa. Sa kuno pagpakita sang pagkabalaka sa mga pasyente nga nagakinahanglan sang *transplant*, nagpagguwa sang pahayag ang DOH sining karon lang nga nagapanawagan nga indi pagpasakaan sang *organ donor* ang sukot para sa mga ginbaligya nila nga bahin sang lawas. Ang matuod gus-



Mga pangpubliko nga ospital nga upod sa medical tourism

Philippine Heart Center

National Kidney and Transplant Institute

Lung Center of the Philippines

Philippine Children's Medical Center

East Avenue Medical Center

Amang Rodriguez Memorial Hospital

Quirino Memorial Medical Center

Pasig Medical Center

Jose Reyes Memorial Medical Center

Source: DOH

to sang gubyrernong Arroyo nga mangin bahin sang atraksyon sang Pilipinas bilang sentro sang medikal nga turismo ang barato nga pagakuhaan sang mga parte sang lawas. Sa kamatuoran, sa likod sini amo nga gusto sang rehimen nga itransporma ang Pilipinas bilang "organo-for-sale-capital" sang kalibutan.

Kamatayon sa serbisyo sa ikaayong lawas, kamatayon sa wala sang inugbayad. Wala sang plano nga sakaan ang badyet sang mga pangpubliko nga ospital nga pagsimpunon. Buot hambalon nga mapilitan ang mga ini nga magsentro sa "medikal nga turismo" para madugangan ang tagasa nila ka badyet.

Labi man nga ginaengganyo ang pagsaylo sang nabilin pa nga mga doktor kag nars halin sa magagmay nga banwa kag syudad pakadto sa dalagku nga syudad sa Metro Cebu kag Metro Manila kon sa diin ara ang sentro sang "medikal nga turismo."

Enganyuhon man sini ang mga doktor nga mag-ispesyalisa sa mga erya nga kinahanglan sa "medikal nga turismo" imbes nga magpasanyog sa mga balatian nga ordinaryo sang kadam-an nga pumuluyo.

Bangud sa "medikal nga turismo" ang tum-ok sang rehimen,

mga dumuluong nga pasyente ang mangin prayoridad sa mga ospital. Sa pagtransplant sang *kidney* halimbawa, bangud may mga makabayad nga pasyente nga dumuluong, pat-ud nga labi nga ipaulihi ang mga naghulat nga wala sang kwarta nga mga pasyente nga Pilipino.

Sa pagtingub sang mga pangunahon nga pangpubliko nga ospital nga nasentro sa "medikal nga turismo," wala sang makadtuan ang may balatian nga ordinaryong pumuluyo. Kag bangud nakasentro sa manggaranon nga dumuluong nga pasyente, pat-ud nga labi nga magataas ang presyo sang pagpabulong sa pungsod labi na sa mga ospital nga nakatum-ok sa "medikal nga turismo."

Kag kon magkita man ang gubyrno, pat-ud naman nga indi sini pataason ang kalidad sang serbisyo medikal para sa pumuluyo. Maathag ang padron sang pagpatumbaya sang rehimen sa sektor sang ikaayong lawas. Sining nagligad nga mga tuig, padayon nga nagagamay ang bahin sang badyet nga ginapain sa ikaayong lawas.

Makahuluya ang gubyrnong Arroyo sa pagtum-ok sini sang serbisyo medikal sa pagpamulong sa mga makasarang magbayad nga dumuluong sa pihak nga nagakamatay ang mga Pilipino nga indi makasarang magpabulong ukon indi makakadto gilayon sa pila na lang nga bululungan. Gamit ang mga ospital nga gintukod halin sa buhis sang pumuluyo, serbisuhan sang gubyrno ang manggaranon nga dumuluong. Lubos na ang pagpabaya sang rehimen sa serbisyo medikal sang imol nga pumuluyo. **AB**

Welga sa Chiyoda, madinalag-on

Pila ka signipikanteng kadalag-an ang naangkon sang militante nga kahublagan mamumugon kag mga empleyado sang gubyrno sining nagligad nga Hulyo kag Agosto.

Nagmadinalag-on sadtong Agosto 3 ang mga nagwelga nga mamumugon sang Chiyoda Integrated Philippines Incorporated, isa ka kumpanya nga ginatag-iyahan sang Hapon kag may pabrika sa Light Industry and Science Park 1 (LISP 1) sa Cabuyao, Laguna. Natapos ang 36-oras nga welga sang maghisugot sa isa ka negosasyon nga gindumalahan sang National Conciliation and Mediation Board ang maneydsment sang LISP1 kag ang mga upisyal sang unyon nga Tunay at Lumalaban para sa Ikatatag ng mga Manggagawa sa Chiyoda (TALIM-Chiyoda-Independent)-Kilusang Mayo Uno.

Malipayon nga ginpanginbulahan sang PAMANTIK (Pagkakaisa ng Manggagawa sa Timog Katagalugan) ang mga mamumugon sa Chiyoda sa naangkon nga pang-umpisa nga kadalag-an kag ginapahanumdum sila nga indi mangin pabaya. Siling sini, kinahanglan lubos sila nga maghimakas para mangin lubos ang ila kadalag-an sa atubang sang mapiguson kag mapanghimulos nga polisiya sang imperyalistang globalisasyon.

Pila sa mga nahisugtan nga demanda sang mga mamumugon ang pagpabalik sa trabaho (kag pagbayad man sa *backwages*) sang ginsipa nga 52 empleyado kag sang pila ka katapu sang unyon; pagtukod sang *collective bargaining agreement* (CBA) pagkatapos sang *certification election*; kag ang indi paghimo sang anuman nga balos sa magtimbang nga bahin bunga

sang ginsungat nga welga.

Samntang, sa Sasa, Davao City, daku ang abante sang Nagkahiusang Mamumuo sa Filipinas Port Services, Inc.-National Federation of Labor Unions-Kilusang Mayo Uno (NAMAFIL-NAFLU-KMU) sa *certification election* sadtong Agosto 6 batuk sa duha nga dalag nga unyon. Nahibal-an sang NAFLU-KMU sa Southern Mindanao nga sadtong gab-i antes ang eleksyon gintipon sang mga organisador sang Association of Labor Unions (ALU) sa isa ka *beach resort* ang 22 mamumugon kag gintuyo nga baklon ang ila boto sang tig-P100.

Sa Central Luzon, ginreport sang Workers Alliance of Region III (WAR III) ang pagkatukod sang isa ka "collective negotiatiang agreement" (CAN) sa tunga sang gubyrno munisipal sang Mabalacat, Pampanga kag mga katapu sang Mabalacat Government Employees Association (MAGEA) sadtong Hulyo 24. Ginpirmahan ni Mayor Marino Morales ang CAN bilang tiglawas sang lokal nga gubyrno sa nasam-bit nga kasugtan. Ang CAN ang katumbas sang *collective bargaining agreement* sang mga empleyado sang gubyrno.

Ang MAGEA ang pangaduha nga unyon nga naorganisa sa Central Luzon sa kubay sang mga lokal nga empleyado sang gubyrno. Ang pinakauna gintukod sadtong 2005 sa Angeles City—ang AGENDA (Association of Government Employees for a New Dynamic Angeles City). **AB**



Pagmina, pamatukan sang mga pungsodnon nga minorya

LUBOS nga pamatukan sang mga pungsodnon nga minorya ang pagsulod sang mga day-o nga kumpanya sa pagmina. Suno sa Kalipunan ng mga Katutubong Mamamayan ng Pilipinas (KAMP), isa ka organisasyon nga nagatib-ong sang kinamatarung sang mga pungsodnon nga minorya, pagahimuon nila ang tanan nga pamaagi sang pagbato—ululupod ukon pahat-pahat, wala untat nga pagprotesta, ligal kag mala-ligal—agud pungan ang pagsulod sang mga higante nga dumuluong nga kumpanya sang pagmina.

Suno sa KAMP, responsibilidad sang rehimeng Arroyo ang tanan nga mga aksidente nga matuga sang pagmina. Ginapamilit sang KAMP ang pagbalewala sa mga kontrata nga ginsudlan sang rehimen sa mga imperyalistang kumpanya. Ginbuyagyag nila nga 18 sa 24 nga prayoridad nga proyekto ara sa mga duta sang katigulangan: napulo sa Mindanao, anum sa Cordillera kag tig-isa sa Palawan kag Mindoro.

Ginkundenar man sang KAMP ang mga paglabag sa tawhanong-kinamatarung, lakip na ang dislokasyon pang-ekonomya, pagpalayas sa mga minorya sa ila mga teritoryo, kag ang "etnosidyo" sa mga katapu sang tribo. Ginkastigo sang mga pungsodnon nga minorya ang Human Security Act: "Dungan nga pagagamiton sang rehimen ang mga layi sa pagmina kat HSA agud himuon nga ligal ang pagpamigos, malaparan nga pagpang-agaw sang duta kag ang pagpatay sa mga pumuluyo nga nagabato sa plano nga pagmina."

Sini lang Agosto 13, nagpiket sa atubang sang upisina sang kumpanya ang mga pumuluyo nga apektado sa pagbukas liwat sang Philex Mining Corporation sa Benguet. Ginpungan man nila ang pagsulod sang mga kagamitan sa paghakot sang mga duta sa *open pit mine site* sang PMC.



Masaker sa Iraq

GINKUNDENAR sang mga pinuno sang Shiite ang pagpamomba sang US Army sa isa ka imol nga komunidad sang Sadr City, sa sidlangan nga bahin sang Baghdad, Iraq sadtong Agosto 8. Naglab-ot sa 30 katawo ang namatay sa pagpanalakay, lakip ang mga bata kag mga babaye. Kaaganhon sang suguran ang pag-atake sang mga *helicopter gunship* sang gintingub nga mga pwersa sang US kag Iraqi sa komunidad nga ginataguan kuno sang mga pwersang gerilya.

Ang desperado nga atake nga ini sang mga suldado nga Amerikano kag mga papet nga tropa sang US amo ang bunga sang kapaslawan nga tapnaon ang nagapadayon nga pagpakig-away sang pumuluyong Iraqi. Duha ka *helicopter gunship* sang US Army ang napataktak sang mga pwersang gerilya—isa ka Apache AH-64 sa distrito sang Al Gedida sadtong Hulyo 31 kag isa ka CH-58 D sa timog nga bahin sang Baghdad sadtong una nga bahin sang bulan.

300,000 armas sa Iraq, nadula

MASOBRA 300,000 nga sari-saring armas kag kagamitan militar ang nadula sa imbentaryo sang Iraqi Security Forces (ISF) sining Hulyo 2007. Ini ang nabuyagyag sa ginhimo nga imbestigasyon sang Kongreso sang US. Suno sa imbestigasyon, nangin halog ang distribusyon sang mga armas kag wala sang salabton ang mga kumander sa pagpagguwa sang mga gamit militar. Nagalabot sa 110,000 ripleng Kalashnikov kag 90,000 pistola ang kabahin sa nadula nga kagamitan.

Halin sadtong 2003, ang mga pwersa sang ISF ginhatagan sang masobra 700,000 kagamitan halin sa ayuda militar sang US nga ginapain para sa Iraq. Naghalin ini sa \$2.8 bilyon nga badyet nga pangbakal sang mga armas kag mga kagamitan militar nga kabahin sang \$19.2 bilyon nga gintigana para sa Iraqi Security Forces.

Nangayo ang US Department of Defense (DOD) sa Kongreso sang US sang dugang nga \$2.8 bilyon nga badyet para pangbakal sang mga armas sa tuig 2008 para sa Iraq. Pero indi mapaathag sang DOD ang nadula

nga mga armas kag kagamitan militar. Ginarason nila nga indi nangingin talunsay ang pag-imbentaryo sang mga sunud-sunod nga kumander nga nag-asikaso sa pagbakal kag pagpanagtag sang mga gamit militar bangud sa kakulangan sang tinawo nga magdumala sini. Indi man kuno nila matigayon nga makuha ang tanan nga napirmahang resibo bangud nabudlayan ang mga suldado nga Amerikano nga kadtuan ang mga istasyon sang pulisya kag kampo militar sang mga Iraqi.



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XXXVIII No. 16
Agosto 21, 2007
www.philippinerevolution.org

Editorial

Hingalitan ang kinagamu kag malaparan nga demoralisasyon sa AFP

Malahalon nga mahingalitan sang rebolusyonaryong kahublagan ang labi nga papagsingki kag nagalapad nga kinagamu kag demoralisasyon sa sulod sang Armed Forces of the Philippines (AFP) bu-nga sang sunud-sunod nga mga kahalitan nga naagum sang mga pwersa sini sa nagligad nga bulan.

Sa Basilan kag Sulu, mayor nga mga kapaslawan ang ginbaton sining karon lang sang mga yunit sang AFP sa kamot sang mga pwersa sang Moro Islamic Liberation Front (MILF), Moro National Liberation Front (MNLF) kag pumuluyong Moro. Sa iban pang bahin sang pungsod, malaparan man ang ginatuga nga ka-

halitan sang Bag-ong Hangaway sang Banwa (BHB) sa AFP.

Labaw nga ginkaakig sang mga ordinaryong sul-dado kag mga bataon nga upisyal sang AFP ang pag-gamit sa ila bilang pangbala sang kanyon kag paon sa pinakamasingki nga todo-gera sang rehimen US-Ar-royo. Labi nila nga ginakaakig ang malala nga korap-syon kag pagpagusa sang mga pinuno nga upisyal sang rehimen kag sang AFP sa kahalitan sang panga-buhian sang mga ordinaryong suldado.

Pat-ud nga magabaton sang dalagku nga ka-paslawan ang AFP kag labi pa ini nga magala-la bangud indi makatarungan kag pasista ang gera nga gi-nasulong sang rehi-meng US-Arroyo ba-tuk sa Bangsamoro kag pumuluyo Pi-lipino. Ginapa-kita sang sunud-sunod kag nagapa-dayon nga mga ka-dalag-an sang mga pwersang gerilya indi lang ang ila kaayo kag abante sa taktika, kundi ang kahustu-han, malapad nga suportang masa kag pag-



Mga tampok sa isyu nga ini...

Berdugo nga yunit sg militar, ginsilutan
PAHINA 5

Turismo nga medikal
PAHINA 8

Welga sa Chiyoda, madinalag-on PAHINA 10

Mga instruksyon sa paglilimbag

1. Ang **pahina 12**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa para-ang *v-type*. Idinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa *angbayan@yahoo.com*